



Broj: 02-04-3217/20-AP-7
Datum: 31.12.2020. godine

Na osnovu člana 15. stav 1. tačka 2. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), člana 66. Zakona o pravima, obavezama i odgovornostima pacijenata („Službene novine FBiH“, broj: 40/10), člana 14. Zakona o zdravstvenoj zaštiti („Službene novine FBiH“, broj: 46/10), člana 39. i 104.d Statuta Općine Zavidovići („Službeni glasnik“, broj: 5/08, 5a/08 i 11/19), Općinski načelnik Općine Zavidovići , objavljuje:

PONOVI JAVNI POZIV

za izbor i imenovanje članova Zdravstvenog savjeta Općine Zavidovići

I

Općinski načelnik Općine Zavidovići objavljuje ponovni javni poziv za izbor i imenovanje predsjednika i članova Zdravstvenog savjeta Općine Zavidovići (u daljem tekstu : Zdravstveni savjet) u cilju ostvarivanja i unaprjeđenja prava pacijenata i provođenja društvene brige za zdravlje građana općine Zavidovići i to za sljedeće pozicije:

- predstavnicu registriranih udruženja koja se bave zaštitom i pravima pacijenata (dva člana),
- predstavnik pacijenata sa područja lokalne zajednice (jedan član),
- predstavnik zdravstvenih radnika iz reda privatnih praksi sa područja općine (jedan član),
- predstavnik Crvenog križa/krsta sa područja lokalne zajednice (jedan član),
- predstavnik Udruženja penzionera (jedan član),
- predstavnik mladih sa područja lokalne zajednice (jedan član),

II

Zdravstveni savjet obavlja sljedeće poslove:

- predlaže i evoluiru provođenja zdravstvene zaštite na području općine Zavidovići,
- daje mišljenja na planove i programe zdravstvene zaštite za područje općine Zavidovići,
- predlaže mjere za poboljšanje dostupnosti i kvaliteta zdravstvene zaštite,
- prati povrede pojedinačnih prava pacijenata i predlaže preduzimanje mjera za zaštitu i unaprjeđenje prava pacijenata na području općine Zavidovići,
- prati primjenu propisa na području općine Zavidovići, koji se odnose na zaštitu prava i interesa pacijenata,
- podnosi Općinskom vijeću godišnji izvještaj o svom radu,
- obavlja i druge poslove i zadatke u skladu sa Zakonom o pravima, obavezama i odgovornostima pacijenata i Zakonom o zdravstvenoj zaštiti.

III

Kandidat za člana Zdravstvenog savjeta treba da ispunjava sljedeće uslove:

- da je punoljetni državljanin Bosne i Hercegovine (**dokaz -uvjerenje o državljanstvu ne starije od šest mjeseci**),
- da ima minimalno tri godine iskustva u instituciji, ustanovi, udruženju, nevladinoj organizaciji ili zdravstvenom sindikatu ispred kojeg se kandiduje (**dokaz- potvrda o potrebnom iskustvu**)

izdata od strane institucije, ustanove, udruženja, nevladine organizacije, sindikata), izuzev kandidata za predstavnika pacijenata sa područja općine Zavidovići,
-da uživa ugled i ima evidentne rezultate rada u oblasti u kojoj djeluje (*dokaz-potvrda izdata od strane institucije, ustanove, udruženja, nevladine organizacije ili sindikata*),
-da ima prebivalište na području općine Zavidovići (*dokaz- obrazac o prijavi prebivališta*),
-da nije mlađi od 18, ni stariji od 30 godina-samo za predstavnika mladih sa područja općine (*dokaz- trajni izvod iz MKR-ih*),
-izjavu da nije član rukovodnih tijela i organa političke stranke/partije.

Mandat za upražnjene pozicije predsjednika i članova Zdravstvenog savjeta traje 4 godine od dana imenovanja.

Prilikom imenovanja članova Zdravstvenog savjeta poštovat će se princip ravnopravne zastupljenosti oba pola.

IV

Uz prijavu na Javni poziv kandidati treba da dostave kraću biografiju, uz kraće obrazloženje motiva za rad u Zdravstvenom savjetu, adresu i kontakt telefon, te dokaze o ispunjavanju uslova navedenih u tački III ovog Javnog poziva.

Dokumenti koji se dostavljaju moraju biti originali ili ovjerene kopije.

V

Općinski načelnik je formirao Komisiju za provođenje Javnog poziva za izbor i imenovanje Zdravstvenog savjeta, koja će na osnovu pristiglih prijava izvršiti pregled istih, sastaviti listu kandidata koji ispunjavaju uvjete Javnog poziva, te istu dostaviti Općinskom načelniku. Općinski načelnik će rješenjem imenovati Zdravstveni savjet Općine Zavidovići iz reda kandidata koji ispunjavaju uslove Javnog poziva.

VI

Članovima Zdravstvenog savjeta pripada naknada za rad u Savjetu, koja će biti utvrđena Odlukom Općinskog načelnika.

VII

Javni poziv će biti objavljen na službenoj web stranici Općine Zavidovići www.zavidovici.ba i na Oglasnoj ploči Općine Zavidovići i ostaje otvoren 15 dana od dana posljednjeg dana javnog objavljivanja.

Prijave sa potrebnom dokumentacijom mogu se dostaviti lično na Pisarnicu Općine Zavidovići (prizemlje zgrade) ili preporučenom poštom, u zatvorenim kovertama sa naznakom „prijava na Javni poziv za Zdravstveni savjet Općine Zavidovići-ne otvaraj”, na sljedeću adresu - Općina Zavidovići, ulica „Safvet bega Bašagića“ bb. „, Komisija za provođenje Javnog poziva za izbor i imenovanje članova u Zdravstvenom savjetu Općine Zavidovići“

Neblagovremene i nepotpune prijave neće se razmatrati.

OPĆINSKI NAČELNIK

Dr.sci. Hašim Mujanović